

یوہ آکا شوانی جموں ہے عیدالرحمان تین خبر سنو۔

\*\*\*\*\*

### PAN INDIA SIR

چیف الیکشن کمشنر گیانش کمار نے کہو ہے کہ انتخابی کمیشن نے پورا ملک مانہ ایک خصوصی جامع نظر ثانی غی مشق کرنغو فیصلو لیو وہ ہے نوی دہلی مانہ پریس کانفرنس غے دوران خطاب کرتا واں موصوف نے کہو کہ ملک غی تمام ریاستاں تے مرکزی زیر انتظام علاقہ گے اندر پین انڈیا سر غو عمل جاری ہے تے ناخابی کمیشن جلد ہی تاریاں غو تعین کر غے باضابطہ اعلان کرے غو۔ سپیشل انٹینسورویزن یعنی خصوصی جامع نظر ثانی غی مشق پہلاں ریاست بہار مانہ انتخابی کمیشن غے ذریعے کرائی گئی تھی جس غا نتیجہ مانہ 69 لکھ ووٹراں گا نام ووٹر فہرست تیں خارج کیا گیا جن غی وجہ ووٹراں غی اموات غیر قانونی تارکین وطن غی شمولیت تے جعلی ووٹر شناختی کارڈ شامل ہیں۔

\*\*\*\*\*

### Dy CM SNOW CLEARNCE

خطہ کشمیر مانہ ضروری خدمات تے اہم اشیاء غی بلا رُکاوٹ فراہمی نانہ یقینی بنان خاطر نائب وزیر اعلیٰ سریندر کمار چوہدری نے گزشتہ روز ایک اعلیٰ میٹنگ غی صدارت کی اس میٹنگ غے دوران مکینیکل تے اسپتال انجنیئرنگ محکمہ غی مجموعی کارکردگی تے تیاریاں گو جائیزو لیو گیو میٹنگ غے دوران موصوف نے برف باری نال پیش آن آلی مشکلات گو تفصیلی جائیزو لیو اس دوران اُن علاقہ ور خصوصی توجہ دتی گئی جہڑا شدید سردیاں مانہ برف غی وجہ نال ڈھکے جئیں نائب وزیر اعلیٰ نے متعلقہ محکماں نانہ ہدایت جاری کی ہیں کہ ضروری خدمات غی بلا تعطل فراہمی نانہ یقینی بناویں تے ہنگامی بنیاداں ور اپنی تیاریاں نانہ مکمل رکھیں۔

\*\*\*\*\*

### Dy CM H&M REVIEW

نائب وزیر اعلیٰ سریندر کمار چوہدری نے سرینگر مانہ ایک اعلیٰ سطحی میٹنگ غے دوران ہتھ کھڈی تے دست کاری محکمہ غا کام کاج گو جائیزو لیو اس دوران وزیر موصوف نانہ جموں کشمیر غے اندر مذکورہ شعبہ غی کارکردگیاں بارے دسیو گیو تے اس گل ور وی تبادلہ خیال کیو گیو کہ کس طرح فلیگشپ اسکیم تے دیگر فلاحی منصوبہ ہتھ کھڈی شعبہ غی ترقی مانہ اپنو کردار ادا کر رہیا ہیں میٹنگ غے دوران ہتھ کھڈی تے دست کاری پالیسی 2020 غو تفصیلی جائیزو لیو گیو۔ نائب وزیر اعلیٰ نے تمام متعلقہ انتظامیہ محکماں نانہ ہدایت جاری کی ہیں کہ وے مذکورہ شعباں متعلق تمام اعداد و مشرا آئیندہ میٹنگ مانہ پیش کریں تاکہ مستقبل و ستے بہتر منصوبو تیار کیو جاسکے نائب وزیر اعلیٰ نے کہو کہ سرکار مقامی دست کاراں تے بُتر منداں غی فلاح و بہبود و ستے کیا گیا وعداں غی پابند ہے۔

\*\*\*\*\*

### CS IT REVIEW

چیف سیکرٹری اٹل ڈلو نے گزشتہ روز ایک اعلیٰ سطحی میٹنگ غے دوران آئی ٹی محکمہ تے قومی اطلاعاتی مرکز جموں کشمیر غا کام کاج گو جائیزو لیو اس دوران موصوف نے سائبر تحفظ غی معروضی اہمیت ور زور پایو تے کہی و کہ یوہ سلسلو تحصیل تے بلاک سطح ور مضبوط ہونو چاہیے اس دوران موصوف نے آئی ٹی محکمہ نانہ ہدایت جاری کی ہے کہ وے جموں کشمیر غی تمام تحصیلاں تے بلاک دفتراں تک ای آفس رابطاں غی توسیع نانہ یقینی بناویں موصوف نے ای آفس دائرہ تیں باہر دفتراں غی رپوٹ طلب کی میٹنگ تیں پہلاں موصوف نے ای سکیم پورٹل غی وی شروعات کی۔

\*\*\*\*\*

### SECY RATIONAL DRUG USE

صحت تے طبعی تعلیم غا سیکرٹری ڈاکٹر سید عابد رشید شاہ نے گزشتہ روز بچاں و ستے مناسب دوائی غی اہمیت غی ہدایت کی ہیں سول سیکرٹریٹ سرینگر مانہ ایک میٹنگ غے دوران موصوف نے مرکزی وزارت برائے صحت غی طرفوں جاری ہدایت نامہ غو ذکر کی وجس مانہ 2 سال تیں کھٹ عمر غا بچاں و ستے کھانسی تے بکار غی دوائی تجویز نانہ کرن غی گل کہی گئی ہے تے بہتر تے مناسب دوائی غا استعمال و ستے بچاں غا تحفظ تے نگرانی نانہ یقینی بنان غی ہدایت کی گئی ہیں میٹنگ غے دوران سیکرٹری موصوف نے متعلقہ محکمہ نانہ بچاں غی صحت متعلق قومی ضابطاں ور سختی نال عمل کرن غی ہدایت جاری کی ہیں۔

\*\*\*\*\*

حاليہ جی ایس ٹی اصلاحات مانہہ مہارا سترہ نانہہ خصوصی فائندو حاصل وین گا ریاست غا کسان ہنر مند افراد تے لوکا کاروباری ہن کافی راحت محسوس کریں غا ریاست غے نادر کئی اشیاء ور ہن 12 فی صد غی جگہ 5 فی صد جی ایس ٹی لگے غو مہاراشترہ مانہہ گنا غی پیداوار نال جڑیا تقریباً 50 لکھ کساناں تے 2 لکھ میل کم کاراں نانہہ کافی راحت حاصل وے غی اس تیں علاوہ سمندری کناراں تے کون کان علاقہ مانہہ سمندری اشیاء تے مچھلی غا کاروبار ور وی جی ایس ٹی 12 فی تیں کھٹ کر غے 5 فی صد کردتو گیو ہے۔

\*\*\*\*\*

Jt COMM JMC

جموں میونسپل کارپوریشن غا جوائنٹ کمشنر عبدل ستار نے گزشتہ روز جے ایم سی غا صحت تے صفائی عملہ غا عہدیداداں نال جائزہ میٹنگ کی اس میٹنگ غو مقصد صفائی غی موجودہ صورتحال غو جائیزولینو تے جموں شہر غے اندر تمام وارڈاں مانہہ صفائی غی صورتحال ور تبادلہ خیال کرنو تھو موصوف نے جی پی ایس ٹریکنگ نظام غے تحت گھر گھر جاغے کوڑو چان آلی گڈیاں گو جائیزولینو تے تعمیراتی کام کاج غے دوران ضائع ہون آلا بے کار مواد نانہہ صیح جگہاں توڑی پُجان ور زور پایو گیو موصوف نے سڑک کنارے غیر قانونی ٹیرا لان تے خالی جگہاں ور کوڑا کرکٹ تے دیگر سامان پھینکن یارکھن نانہہ سختی نال منع کیو ہے۔

\*\*\*\*\*

NEWS READ BY ABAID UR REHMAN  
NEWS EDITOR KUNAL SHRIVATSA  
SKILLED RAJAT  
TECH ASST CHAKSHU  
DEO NUSRAT